



Oppalaččat

Buot vearmoráksit geat livdnemis gáibidit gessosiid doallobiergasiid vuolidahttimis, galget deavdit skovi ja addit dan oktan vearrodieđáhusain.

Erenoamáš doallobiergasiidda el-fápmorusttegiin mat galget vuolidahttot lineáralaččat , vrd. vearrol. § 18-6, galgá dan sadjai atnit RF-1152 «Avskrivnings skjema for særskilte driftsmidler og påkostninger i kraftverk».

RF-1084 «Vuolidahttinskovvi» galgá devdot vaikke realisašuvnnas dahje atnuváldimis šaddá negatiivva saldo a, b, c, d dahje j joavkkus. A, c, d dahje j saldojoavkku vejolaš negatiivva saldo galgá uhcimusat boahtočállit joavkku vuolidahttinproseanttain. B saldojoavkku negatiivva saldo galgá sirdit vuoto- ja massinkontui. E, f, g, h, dahje i joavkku doallobiergasiid realisašuvnnas galgá vuoiitu/massima meroštallat vuolidahttinskovis. Skovi galgá deavdit vaikke saldo livččii vuoliduvvon 0:i, go saldos ain leat doallobiergasat.

Doallobiergasiid mat vuolidahttojit saldo-vuogádaga mielde, galgá meroštallat vuolidahttimiid doallobiergasiid saldo-árvvu vuodit mii lea juohke boahtojagi loahpas. Goas jagis doallobierggas lea háhkkon ii mearkkaš maidige. Lineára vuolidahttimiin galgá doallobiergasa álgoárvvu juohkit gessosiin luohitta nu guhká go biergasa navdá bistit. Jus objeakta lea háhkkon jagi áigge, de galgá jahkesubmi meroštallat gorálaččat (12 oasi) nu galle álggahuvvon mánnui go lea oamastan objeavtta jagi áigge. Vástideaddji vuolidahtto gorálaččat, jus objeakta realiserjuvvo boahtojagi áigge.

Vearrolága §§ 14-60 gitta 14-66 rádjai leat addon sierraregelat doallobiergasiid várás mat váldojit sisa ja olggos norgalaš vearuhanguovllus.

Jus soapmásis leat eanet go guokte sierralágan saldo, de galgá skovi olgeš ravddas nummarastit skoviid ovtežis ja bajásguvlui.

Saldovuolidahttinjoavkkut

A, b, c ja d joavkku doallobiergasat vuolidahttojit oktan juohke joavkkus. Joavkkuid galgá sirret juohke vearmoráksi ealáhusa nammii, ja juohke gildii go seamma ealáhus jođihuvvo mángga gielddas ja gullá báikái čatnasan vearuhusa regeliidda vearrolága § 3-3 mielde.

Jus galget leat saldojoavkkut juohke gildii, danne go seamma ealáhus jođihuvvo mángga gielddas, de galgá skovvi devdot saldojoavkkuiguin dušše ealáhusgildii ja addot dán gieldda vearrokantuvrii.

Gitta, teknalaš installašuvnnat mat gullet j jovkui, vuolidahttojit juohke viesu čoahtkesaldos. E, f, g, h ja i joavkku doallobiergasat čállojit sierra saldoi juohke doallobiergasa nammii.

A joavku: kantormašiinnat js. (30 %)

A saldojovkui gullet čállin- ja rehkenastinmašiinnat, mánggenmašiinnat, makulerenmašiinnat, báikkálaš telefonguovddážat, telefonvnnat earret giehtatelefovnnat, telefonvástideaddjit jna. Geahča vulobeale d saldojoavkku ráddjema ektui.

B joavku: háhkkon gávpeárvu (goodwill) (20 %)

Barggu bokte čoggon gávpeárvvu ii sáhte vuolidahttit verolaččat. Jus gávpeárvu realiserjuvvo stuorat supmiin go saldoárvvuin mii lea háhkkon gávpeárvu saldos, ja máksu árvonjeido saldos, de galgá dat negatiivva saldo mii de šaddá, sirdot vuoto- ja massinkontui (RF-1219). Massima (guoros positiivva saldo) ii galgga sirdit vuoto- ja massinkontui, muhto vuolidahttit dábálaš vugiin gitta 20 % rádjai marjit jagiin – geahča 108 poastta.

C joavku: goallosguorbmebiillat, guorbmebiillat, gálvobiillat js. (20 %)

Sáhttobiillat ja sivavuložiid biillat gullet c saldojovkui. Sáhttobiilan oaivvilduvvojit biillat mat leat dohkkehuvvon ja mat adnojit vuohčan olbmossáhtosteamái. Fievrrut maiguin vuojihit sivavuložiid, gullet dán jovkui, jus fievrus lea dakkár sáhtosteamái lohpi. C saldojovkui gullet vel táŋkabiillat, suohpalastinbiillat, betongabiillat, luktárbiillat ja hávdádušbiillat. Geahča vulobeale d saldojoavkku ráddjema ektui.

D joavku: personbiillat, tráktorat, mašiinnat js. (20 %)

Dsaldojovkui gullet visot gándimat mat eai gula eará saldojoavkkuide, omd. personbiillat, tráktorat, eará jorri mašiinnat ja ávdnasat, eará mašiinnat, bargoneavvut, instrumeanttat, latnjabiergasat jna. Kombibiilan logahallon biillatge fátmastuvvojit d saldojovkui. Fievrrut mat eai leat registrerengeatnegasat, dahje maid lea lohpi geavahit dušše almmolaš geainnu olggobealde, gullet d jovkui. Seammá guoská fievruid maid ferte

atnit ráhkadusmašiindnan, nugo geaidnofaskkonat, geaidnoválssat, dumpárat, mobilloktárat js.

Dát doallobiergasat gullet d jovkui eaige a jovkui, vaikke dat livččege kantorlanjain jna.: Buhtistanbiergasat, steampalastindiimmut, alárbmaráhkkanusat/vákšunráhkkanusat, TV-apparáhtat, videobiergasat, čájehanmašiinnat, govvidan- ja idihanbiergasat, doavttir- ja bátneadoavttirreaidut ja arkiteavttaid tevdnenmašiinnat.

Muhtin doallobiergasiid dáfus mearrida dat masa dat adnojit, gulletgo dat a vai d jovkui. Dát guoská omd. dihtoriidda. Jus dihtor gulli šearpmain, čálániiguin jna. adno dušše kantorguoski barggus, de lohko dat kantormašiindnan ja gullá a jovkui. Jus dihtor adno dušše buvttadeapmái dahje eará kanturguoskkakeahtes bargguide, de dat ii adno kantormašiindnan muhto galgá vuolidahttot d saldojoavkkus. Jus dihtor adno sihke buvttadeamis ja kanturbarggus, de dat lohko kantormašiindnan (a joavku) jus kanturatnu lea mearkkašahhti oassi.

E joavku: skiipat jna. (14 %), f: girdit, helikopterat (12 %), g: el-fámu sirdin- ja juohkinrusttegat ja el-fápmofitnodagaid elektroteknalaš rusttegat (5 %) h: visttit ja ráhkkanusat jna. (4 %), ja i: gávpevisttit (2 %)

G saldojovkui gullet elektroteknalaš rusttegat eará doaimmas go el-fápmofitnodagas. Mearrideaddjin ii leat nappo mii doaimmas lea, ovdamearkka dihtii fámu dahje industriija buvttadeapmi/juohkin, muhto mii doalloapmi lea. H saldojoavkku ráhkkanussan adnojit ee. teknalaš veahkke- ja lasseinstallašuvnnat industriijaráhkkanusain, maid dái buhtistanráhkkanusat, deaddoáibmoráhkkanusat, mearrapumparáhkkanusat, galmimihanráhkkanusat js. Ráhkkanusat maid atnuáigi/bistináigi ii leat badjil 20 jagi, sáhttet vuolidahttot gitta 10 %. Juohke vistái mas lea atnuáigi/bistináigi vuollil 20 jagi, sáhtta vuolidahttot gitta 10 %. Šibitvistit eana- ja vuovdedoalus (main lea badjil 20 jagi atnuáigi/bistináigi) sáhttet vuolidahttot gitta 6 %. Šibitvistin adno omd. návet, spiinnenávet, visti vuoncáide, vuoncáčivggaide, gálkonii js. I saldojovkui gullet gávpevistit. Gávpevistin oaivvilduvvo visti mii adno eanaš kantuvraide, vuovdindoibmii ja bálvalusaide earret idjadan- ja dárjjodandoibmii. Omd. buohccivesut, mánáidgárddit, skuvllat, boarrásiid- ja buohcciidruovttut jna. adnojit gávpevistin. Dát gusto 2005 boahtojagi rájes, vaikke visti

ovdal lea eará saldojoavkkus vuolidahtton. H ja i saldojovkui ferte viessosadjeárvu čuldojuvvot nu ahte ii šatta mielde vuolidahttinvuđđui.

J joavku: gitta teknalaš installašuvnnat huksehusain (10 %)

Gitta teknalaš biergasat mat leat ovttaiduvvon huksehussii ja mat leat ávkin huksehusa oppalaš anolašvuhtii huksehussan, galget vuolidahttot sierra j saldojoavkkus juohke huksehusa čoačkkesaldos. (Dát leat háldoomit mat ovdal leat leamaš vuolidahtton h dahje i saldojoavkkuin dego huksehusa oassin). J saldojoavku siskkilda gitta teknalaš installašuvnna huksehusain, maiddái ligenrusttegiid, čoaskudan- ja galmminhanrusttegiid, el-fápmoráhkkanusaid, buhtesdoalloráhkkanusaid, vintaráhkkanusaid ja sullasaččaid, vrd. vearrolága 14-41 (1) j bustáva.

J saldojoavku ii siskkil gitta teknalaš installašuvnnaid mat leat iehčanas rusttegit dahje installašuvnnaid mat leat ovttaiduvvon rusttegis. Dát galget dan sadjái vuolidahttot oktan doallobiergasii-guin. Seamma guoská gándimiidda skippain jna. Ovdamearkan fertejit teknalaš installašuvnnaid buhtistanrusttegis mii lea sierra lokalitehta, vuolidahttot rusttegiid saldojoavkkus (h saldojoavku). Doallobiergasat mat leat biddjon huksehussii eanaš dan guoski doaimma gálvvuid ja bálvalusaid buvttadeami várás, eai galgga dábálaččat adnot visttis gitta teknalaš installašuvnnaid. Dákkár installašuvnnaid ferte baicce juogo čujuhit vistti saldoi, atnit iehčanas rusttegin, dahje mašiiddan.

Erenoamážit mo skovis geavahit ovdamerkestagaid

Visot logut čállojit ovdamerkestaga haga go boahdá ovdan čilgehusteavsttas dahje lea ovdagihtii deaddiluvvon. Ovdamerkestat galgá adnot dušše jus logus galgá leat nuppegežiid váikkuhus das mii boahdá ovdan čilgehusteavsttas dahje lea ovdagihtii prentejuvvon.

Aiddostahttimat

Jus muhtin sadjái lea ovdagihtii jo prentejuvvon ovdamerkestat (positiiva dahje negatiiva), de almmuhuvvo lohku ovdamerkestaga haga. Ovdamerkestat adno dušše dalle, go háliida almmuhit logu mas lea nuppegežiid ovdamerkestat go mii ovdagihtii lea prentejuvvon. Supmiin ja boadussajiin adno álo minusmearka go submi lea negatiiva.

Skovi iešguđet poasttat

100 poasta

Bruttolivdnejuvvon ovttasoamastusa ovttasoamasteaddji, gii áigu vuolidahttit epmolaš juogadasas doallobiergasiin, merkesta dasa jo.

101 poasta

Dása čállojit iešguđet saldojoavkkut.

Rubrihka vuosttaš oassái merkesta juohke saldo nummariin, dahje joatka manjimuš jagi nummariin guoski saldoi. Buot saldoin bissot seamma nummarat jagis jahká. Jus leat eanet go guokte sierralágan saldo, de jotko nuppi skovvá man merke guvttetiin skovi olgešbeale badjeravdii (nammasaji bajábealde). Dasto galgá merket man jovkui saldo gullá, ja välljejuvvon vuolidahttinmearri galgá almmuhuvvot. Makkár ealáhus lea, galgá almmuhuvvot jus 110 poastta lohku galgá sirdot njuolga vearrodiedáhussii.

«Sirdo» rubrihkass galgá mearridit guđe skovvá 110 poastta lohku galgá sirdot. Jus saldo gullá doallobiergasiidda dákkár ealáhusas mii ain doaimmahuvvo, de sirdo submi Ealáhusdieđáhusa 1 (RF-1175) 6000 (dahje 3895) postii, dahje Govvadáiddáriid ealáhusdieđáhusa (RF-1242) II kolonna 3.01, 3.02 dahje 3.03 postii. Ovttaolbmofitnodahkii mii lea luvvejuvvon ealáhusdieđáhusa addimis, galgá submi leat mielde vearrodiedáhussas doallogoluid supmis. (Geahča vearrodiedáhusa bagadusas dárkilat ahte guđe ovttaolbmofitnodagaide dát guoská). Jus fitnodat datte addá Ealáhusdieđáhusa 2 (RF-1167), Ealáhusdieđáhusa 3 dáhkádufidnuide (RF-1170) dahje Ealáhusdieđáhusa 4 bánkkuide, ruhtadanfidnuide jna. (RF-1173), de ii galgga 110 poastta submi sirdot ealáhusdieđáhussii. Dáid ealáhusdieđáhussaid boadusrehketdoalu vuolidahttimat divvojit Spesifikasjon av forskjeller mellom regnskapsmessige og skattemessige verdier (RF-1217) 3 poastta bokte.

Jus ealáhus lea loahpahuvvon, iige addo ealáhusdieđáhus (iige personboadnu meroštallanskovvi), de galgá submi sirdot njuolga vearrodiedáhussii. Dáid háviid ferte bagadit galgá go submi vearuhuvvot personbohtun vai ii. Jus saldo boahdá loahpahuvvon ealáhusa doallobiergasiin, de galgá mearriduvvot personbohtu 110 poastta boahčoállimis. Vearrodiedáhussas galgá dalle dáid poasttaid atnit: Personboadnu čállo 1.6.1/1.6.2 postii, dan duohen makkár ealáhusas doallobierggas lea vuolgahuvvon. (Guolástus ja bearašmánidgárdi atnet 1.6.1 poastta, ja eará ealáhusat (oktan eanadoaluin ja vuovdedoaluin) atnet 1.6.2 poastta). Dasto čállo submi juogo dábálaš boahatun 3.1.12 postii (negatiivva saldo boahčoállin) dahje 3.3.7 postii (positiivva saldo geasusčállin).

Jus saldovuolidahttin galgá sirdot gidodaga láigoheami jna. skovvá (RF-1189) de devdo «eará» «sirdo» rubrihkii. Seamma guoská jus áigu sirdit saldovuolidahttimiid rehketoallovudnejuvvon biillii mii adno bálkábarggus. Dalle ferte saldovuolidahttin sirdot

biilaskovvá (RF-1125).

102 poasta

Dán postii čállo 31.12.2011 positiivva dahje negatiivva saldo. Submi sirdo diimmá vuolidahttinaskovi (RF-1084) 111 poasttas.

103 poasta

Dihto háviid galgá saldo vuolidahttot doallobiergasa njeidon árvvuin. Dat sáhtá leat dalle go:

- gávpevisti ii šat leat vuolidahttinuloš go dat láigohuvvo ássandállun
- doallobierggas galgá sirdot saldoss nubbái seamma ealáhusas, omd. go ráhkada vistái juhkosid dahje go atnigoahá industriijavistii gávpevistin
- doallobierggas sirdo ealáhusaid gaskka mat leat iešguđet gielddas
- vearromáksi sirdá doallobiergasa beallelažžii juogo beallelačča iežas ealáhusa atnu dahje oktasaš árbeopmodaga juohkima dihtii sierraneamis/earráneamis
- doallobierggas duoguštuvvo go lea adnon ránggástanuloš dagus
- doallobiergasat sirdojit persovnnalaččat jođihuvvon fitnodagas oasusfidnu njeidon árvui
- doallobiergasa epmolaš juogadas vuvdo
- doallobierggas sirdo seamma konsearnna fidnus nubbái vearrolága 11-21 § mielde.

Njeidon árvvu galgá álo meroštallat čuoldinjagi ođđajagimánu 1.b. saldoárvvu vuodul, oktan vejolaš goasttidemiiguin mat leat dahkkon ovdal dan dáhpáhusa man geažil čuldojuvvui. Dihto háviid boahdá njeidon árvu iešaldes, ee. dalle go:

- saldoss lea dušše okta doallobierggas
- saldo masa doallobierggas lea čállon lea árvonjeidon 0 kruvdnu
- buot saldo doallobiergasat sirdojit dahje epmolaš juogadas buot doallobiergasiin sirdo. Njeidon árvu lea dalle saldoárvu dahje dan gorálaš juogadas
- saldo lei 0 kr go doallobierggas čállui saldoi eaige saldoi leat dan manjil biddjon eará doallobiergasat. Doallobiergasa njeidon árvu šaddá dalle luohtta saldoárvvu.

Eará háviid ferte gávnnahit mii lea njeidon árvu ovtta dahje eanet doallobiergasiin, mat gullet saldoi ovttas eará doallobiergasiiguin mat ain galget leat saldoss. Jus vearromáksi lea čállán olles vearorehketdoalu juohke doallobiergasa nammii, de biddjo vuodđun dat njeidon árvu mii dán rehketoalvus ovdanboahdá. Jus ii leat diekkár rehketoallu, de sáhtá njeidon árvvu meroštallat go juohká saldoárvvu gorálaččat doallobiergasiid vuovdinárvvu vuodul. Huksehusaid juohkimis biddjo láigoárvvu vuodđun.

Čuldojuvvon oasi njeidon árvu dat galgá čállot 103 postii ja gessot ovdal go gávnnaha jagáš saldovuolidahttimiid vuođu. A – d ja j saldojoavkku doallobiergasiidda galgá čuldojuvvon doallobiergasis dušše meroštallat njeidon árvvu mii čállo 103 postii, jus ii leat ožžon mávssu jna. mii galgá árvonjeidot doallobiergasis. Dat lea omd. dalle go vearromáksi sirdá a – d ja j saldojoavkku doallobiergasiid nuppi ealáhusas nubái.

E – i saldojoavkku doallobiergasiid čuldojuvvon oasi njeidon árvvu, galgá álo meroštallat ja čállit 103 postii. 103 postii čállon supmi galgá sirdit sierra saldskovvá vuotomeroštallama várás. Vejolaš máksu dahje buhtadus jna. čállo dás 106 postii. Muđui čujuhuvvo 106 – 108 poasttaid bagadussii.

104a poasta

Dása čállo boahtjagi áigge háhkkon doallobiergasiid gollohaddi. Doallobiergasat mat leat bistevaččat ja mearkkašahtti, galget aktiverejuvvot ja saldo vuolidahttot. Doallobierggas adno bistevažžan go háhkamis navdá das leat uhcimusat 3 jagi atnuáigi. Doallobierggas adno mearkkašahttin go gollohaddi lea 15 000 kr dahje eanet, oktan lassiarvodivadiin jus ii leat geasusvuoigatvuohta. Huksehusaide maid lea háhkan boahtjagi áigge, galgá gollohaddi juhkkjuvvot gaskal huksehussaldo ja j saldo gitta, teknalaš installašuvnnaid.

104b poasta

Dálá dahje ođđaháhkkon doallobiergasiid goasttideamit čállojit dása ollisin. Mátasatnu sáhtá čállot njuolga gollun. Jus vearromáksi vállje aktiveret stuorát mátasatnogoluid, de ferte dan čilget dárkilat. Goasttideamiide dakkár huksehusaide mat leat háhkkon boahtjagi áigge, galgá gollohaddi juhkkjuvvot gaskal huksehussaldo ja j saldo gitta, teknalaš installašuvnnaid.

104c poasta

Dán postii čállo vuoittus dat oassi mii šaddá e, f, g, h, i dahje j joavkku doallobiergasiid eaktodáhtohis realisašuvnna, mii adno ođđasinvesteremii vearrolága § 14-44 (4) lađđasa mielde, vrd. § 14-70.

104d poasta

Almmolaš doarjagat galget árvonjeidot gollohattis earret dat investendoarjagat guovlluide mat leat Gonagasa addán láhkaásahusa mielde.

104e poasta

Lassiarvodivatlaga §§ 9-2 čuo mielde sáhtá muddet boahiti lád kapitálagálvuide jus kapitálagálvu ja dan divatgeatnegas doaimma gaskasaš oktavuoha nuppástuhtto manjil go kapitálagálvu

lea oston, ja muhtin áiggi ovddasguvlui. Dán postii čállo gollohatti rievdan boahiti lassiarvodivatmuddema geažil lassiarvodivatlaga mielde.

106 poasta

A, b, c, d dahje j joavkku doallobiergasiid realiseremis ja atnuiváldimis sáhtá mávssu/vuovdinárvvu ollásit dahje belohakkii vuolidahttit dan joavkku saldosa, dan sadjái go dan boahitočállit. Dat gusto vaikke saldo šaddá negatiivan. E, f, g, h ja i joavkkuid doallobiergasiid realiseremis galgá meroštallat vuoittu/massima. Dasge sáhtá váldit mávssu jna. ollásit dahje belohakkii vuottu/ massima meroštallamis ferte de váldit vuhtii dan mii njuolga boahitočállo. Jus realisašunmáksu guoská vel aktiivaide mat eai leat čállon saldoi, omd. go lea vuovdán viesu viessosajiin, de ii galgga dása čállit mávssus dan oasi, mii gusto viessosadjái, muhto čuoldit sierra vuotomeroštallamii. Máksu mii čállo 106 postii, galgá danne guoskat dušše doallobiergasiidda mat leat saldosa realiserjuvvon.

Doarjja mii lea addon háhkamiidda guovlluin Gonagasa addán láhkaásahusa mielde, adno oassin buhtadusas realiseredettiin doallobiergasa viđa jagi siste manjil go dan lea háhkan

107 poasta

Dása čállo mávssus jna. dat oassi (gálvojohtoárvu atnuiváldimis) mii čállo njuolga boahitun realisašunjagis vearrolága § 14-44 (1) mielde, ja mii ii galgga váikkuhit jagáš saldovuolidahttima, boahitočállima iige vuoto- ja massinkontui sirdima vuođu.

108 poasta

Dás boahitá ovdan jagáš vuolidahttimiid vuođu. A, c, d dahje j saldojoavkku doallobiergasiin oidno vel vejolaš negatiivva saldo dás. Seammá guoská b saldojoavkku negatiivva saldoi mii lea šaddan 2013:s. A, c, d dahje j saldojoavkku galgá diekkár negatiivva saldo čállot boahitun realisašunjagi rájes, dakkár juogadasain mii uhcimusat vástida joavkku vuolidahttinmearrái. B joavkku negatiivva saldo galgá sirdit vuoto- ja massinkontui. Dat guoská vel negatiivva saldoi mii lea šaddan go lea mávssuin árvonjeaidán čoggon gávpeárvvu. A, b, c, d dahje j saldojoavkku guoros positiivva saldo galgá vuolidahttot dábalaš vugiin joavkku eanemustá vuolidahttinmeriin. E, f, g, h dahje i joavkku doallobiergasiid realisašuvnna dahje atnuiváldimis boahitá vuoto dahje massin dábalaččat ovdan dákkko. E, f, g, h dahje i joavkku doallobiergasiid vuoittu/ massin ja b joavkku negatiivva saldo, galgá sirdot 109 postii ovdal go dat sirdo vuoto- ja massinkontui, dahje sierra vuotomeroštallamii.

Ovdal 1.1.1984 háhkkon gávpevisttiide

šaddá verolaš álgoárvun vuovdináiggi saldoárvu oktan vuolimus vuolidahttinrájá gessosiin.

E, f, g, h, i dahje j joavkku doallobiergasiid vuoittus eaktodáhtohis realisašuvnna, nugo omd. buollima dahje eará lihkohisvuođa, dahje bággolonisteamii jna. geažil, sáhtá gáibidit evttolaš vearroluvvema vearrolága § 14-44 (4) mielde, vrd. § 14-70, geahča 104c poastta.

109 poasta

Submi mii galgá sirdot vuoto- ja massinkontui sirdo dása 108 poasttas. Vuoto čállo dása positiivva ovdamerkestagain ja dasa lasihuvvo vuoto-submi 108 poasttas mas dat lea vástideaddji negatiivva submin. Massimis čuožžila nuppelágan dilli. 111 poastta submi/erohus lea sihke vuoto- ja massindilis 0 kr. Go realisere gávpevistti mii lea háhkkon ovdal 1.1.1984, de galgá vuoittu/ massima meroštallamis mii galgá sirdot vuoto- ja massinkontui, váldit vuhtii vuolidahttima vuolimuš rájá 115 poasttas. «Massin» mii boahitá ovdan doallobiergasa atnuiváldimis, ii leat dábalaččat geasusvuoigaduvvon, iige galgga sirdot vuoto- ja massinkontui.

110 poasta

Dása čállo jagáš saldovuolidahttin. Dása čállo boahitun vel a, c, d dahje j saldojoavkkuid negatiivva saldo uhcimusat joavkku vuolidahtton meriin. Báhcán positiivva saldo vuollil 15 000 kr sáhtá čállot ollásit geasusin. Báhcán negatiivva saldo vuollil 15 000 kr galgá čállot ollásit boahitun.

J saldojoavkku negatiivva saldosa, ovdal 1.1.1984 háhkkon gávpevistti gitta, teknalaš installašuvnnaid realisašuvnna oktavuodas, galgá vuoittus uhcimusat 10 % boahitun čállot. Jus vuoto lea vuollil 15 000 kr, de galgá olles submi boahitun čállot.

Ovdamearka

Saldovuoddu (105 poasta) lea 320 000 kr, ja vuolidahttima vuolimuš rádjá lea 280 000 kr (115 poasta). Verolaš vuolidahtton árvu lea de 40 000 kr. Jus gitta, teknalaš installašuvnnaid mávssu juogadas lea 65 000 kr, de šaddá verolaš vuoto 25 000 kr. Uhcimusat boahitočállin dás šattašii 25 000 kr vuoittus 10 %, namalassii 2 500 kr 110 postii.

Mo sirdit eará skoviide, geahča 101 poastta.

111 poasta

Dás boahitá ovdan 31.12.2013 báhcán positiivva saldo, mii galgá sirdot jagi 2014 vuolidahttinmervi 102 postii. Seammá guoská a, c dahje d saldojoavkku báhcán negatiivva saldoi.

113 – 115 poasta

Dása čállojit dieđut gávpevisttiid birra

mat árvoloktejuvvojedje 1.1.1984
Finánsadepartemeantta borgemánu
29.b.1984 lánkaásahusa § 1-2 mielde.

2 siidu

120 poasta

Vuosttaš rubrikkas nummarasto objekta. Seamma nummarat adnojit jagis jahkái. Nuppi rubrikkas almmuhuvvo mákkár ealáhusas objekta adno. Goalmmát rubrikkas almmuhuvvo/čilgejuvvo dat doallobierggas dahje eará objekta man árvu vuolidahtto lineáralaččat vearrologa olis, omd. láigolanjaid goastideamit dahje pateantavuoigatvuođat. Njealját rubrikkas almmuhuvvo háhkanjahki. Viđát rubrikkii čállo galle jagis objekta vuolidahtto. Gollohadderubrikkii čállojit

vel omd. láigolanjaid lassigoastideamit láigohanáigodagas. Čihččet rubrikkii čállo 31.12.12 vuolidahtton árvu ja gávcát rubrikkas galgá jagáš vuolidahttin boahit ovdan. Manimus rubrikkas galgá leat 31.12.2013 vuolidahtton árvu, namalassii manjil jagáš vuolidahttimiid gessosa.

Rubrikkaid galgá vel atnit gollojuohkimii go oastá mearkkašahtti olu bohccuid ja náhkkealliid. Dákkár ealliid oastin-goluid badjil 15 000 kr árvvuin galgá aktiveret ja juohkit gitta 3 boahtojahkái bohccuid ovdas, ja gitta 5 boahtojahkái náhkkealliid ovdas.

Poastta galgá atnit vel gollohatti vuolidahttimiidda áigeráddjejuvvon guolástusvuoigatvuođain nugo struktureriide ja ovttdateriide.

Mo eará almmolaš orgánat geavahit RF-1084 skovi dieđuid

Ealáhusdieđáhusaid addima ovttasordnemii ja álkidahttimii, sáhttet almmolaš orgánat, main lea vuoigatvuohta viežžat seammá dieđuid go mat leat Saldo- ja lineára vuolidahttimiid skovis, RF-1084, geavahit dieđuid ollá-sit dahje belohakkii, vrd. Dieđáhusregistarlága §§ 5 ja 6. Vejolaš ovttasordnema birra oaččut dieđuid go gulaskuttat Dieđáhusregistariin tel 75 00 75 00, dahje Vearrodirektoráhtain tel 800 800 00.